


Ni Weyisentilistli ika miakih Tlanawatiyanih tlen OMPI ika Tlanamikilis Iaxka wan Xinachtlamantinih, Tlaixmatili tlen Toweytatawah Techkawahtokeh wan Ilwitsitsih



Ni Weyisentilistli ika miakih Tlanawatiyanih tlen OMPI ika Tlanamikilis Iaxka wan Xinachtlamantinih, Tlaixmatili tlen Toweýtatawaj Techkawahtokeh wan Ilwitsitsih (CIG) mokwalchihchihtok ipan 2000 xiwitl ma axowih Tlaltokahyotl tlen motlatskia ipan OMPI wan nohka masewalmeh tlen kitlachiliskia tlayehyekoli wan nochi senkawalistli tlen tlanamikilis iaxka tlen moijtawah ika xinachtlamantinih wan palewilstli ika kwaltiloli, wan kanpa momokwitlawiah tlaixmatili tlen toweýtatawah techkawahtokeh wan nohka nochi tlen tonehnemilis. Pehki ipan 2009 xiwitl ni Tlaltokahyotl tlen motlatskihtokeh ipan OMPI mokamanalawah tlanawatili ipan tlaltipaktli ma ihkinoh achi kwali momalwis nochi tlen xinachtlamantinih, nohka tlaixmatili tlen toweýtatawah techkawahtokeh wan ilwitsitsih nochi tlen tonehnemilis.



Tekitl ipan CIG

Ipan CIG weli tekitiseh nochi Tlaltokahyotl tlen motlatskia ipan OMPI keh san panpa nochipa kintlachiliseh OMPI itekitl noso moixpantiah ma tekitiseh ipan CIG. Tlen mosenkawa ma moixpantikah kinkamanalowah Tlaltokahyotl tlen motlatskia ipan OMPI kema pewa CIG sentilistli.

Ni nechikolistli tlen kihneki moixpantiseh ma kintlachiliseh kenihkatsa motekitih ipan CIG moneki temiltiseh amatlahkwilolli tlen mopantiah kanpa web tlen OMPI wan moneki kiixpantikah ipan OMPI ika 60 tonali achtowi pewas CIG sentilistli.

Tlen moixpantiah tlachiyanih weli inyaseh CIG sentilistli, tekitiseh ipan Weyisentilistli wan weli kihtoseh ininihtoli keh mosenkawa ipan Reglamento General tlen OMPI Tlanawatili.

Tlen moixpantiah tlachiyanih ma tekitiseh ipan CIG onka miakih tlen masewalaltepetsitsih wan chinankomeh. Ni masewalaltepetsitsih wan chinankomeh achi moneki ma tekitikah, ma kihtokah ininihtoli wan nohkia ma kintlakakikah inintokatinih ipan ni ohtli tlen mosenkawa CIG, ika tlen moihtowa ipan Weyiamatl Declaración de las Naciones Unidas sobre los Derechos de los Pueblos Indígenas, kwali kinselihtokeh ipan 2007 xiwitl, panpa tlen moihtowa ipan CIG nohkia elih inintechpowilis.

Ni Tomin tlen OMPI elih Palewili san Ininyoloh Itstok

Ma achi moolinis wan mopalewis itekitl tlen masewalaltepetsitsih wan chinankomeh ipan CIG itekitl, ipan 2005 xiwitl mosenkahki Ni Tomin Palewili san Ininyoloh Itstok, yani kintekiwich tlen moixpantiah tlachiyanih tlen masewalaltepetsitsih wan chinankomeh. San ONG tlen mosenkawahtokeh moixpantiah tlen masewalaltepetsitsih wan chinankomeh weli kintokachtiseh ahkiya kiselis ni palewili tlen Tomin tlen OMPI Palewili san Ininyoloh Itstok.

Achi yolmelawalistli

Ma achi tipias yolmelawalistli ika CIG tlen OMPI, xitlachili:
<https://www.wipo.int/tk/es/igc/index.html>

Ma tipias yolmelawalistli tlen tekितiseh masewalaltepetsitsih wan chinankomeh ipan senkawalistli ika CIG tlen OMPI, xitlachili:
<https://www.wipo.int/tk/es/engagement.html>

Ma tipias yolmelawalistli ika yankuik tlachiwalistli wan tlen panowah ipan tonalpa ika tlanamikilis iaxka wan tlaixmatili tlen toweytatawah techkawahtokeh, nohkia yankwik yolmelawalistli tlen CIG, ximoamatlali ipan ni: <https://www3.wipo.int/newsletters/es/index.html>



World Intellectual Property Organization
34, chemin des Colombettes
P.O. Box 18
CH-1211 Geneva 20
Switzerland

Tel: +41 22 338 91 11
Fax: +41 22 733 54 28

To contact WIPO's External Offices
visit www.wipo.int/about-wipo/en/offices

© WIPO, 2022



Attribution 4.0 International (CC BY 4.0)

The CC license does not apply to non-
WIPO content in this publication.

Cover: unsplash.com / © Sergio Gonzalez,
© Katrin Hauf, © Gabriel Jimenez;
Getty Images / © Frans Lemmens

DOI: 10.34667/tind.46528